



Ođđa váldokantuvrra gehččon davvinuortta0 bealde

III. Spinn arkitekter

Huksejeaddji (entreprenevra)lea válljejuvvon

Nord Norsk Bygg AS galgá hukset FeFo ođđa váldokantuvrra Leavnnjas. Fitnodat vuittii haddefálaldatgilvvu mas vihtta báikkálaš fitnodaga gilvaledje oažžut huksenbarggu.

FeFo lea dahkan šiehtadusa fitnodagain Nord Norsk Bygg AS hukset ođđa váldokantuvrra Leavnnjas. Dat dahkko manjil go ovttajienalaš stivra attii huksenlávdegoddái fápmudusa šiehtadit huksejeddjiin (entreprenevrrain).

«Fitnodat lei buot buohkanassii buoremus áššiid dáfus maid leimmet bidjan vuodđun haddefálaldatgilvui, ja lea bures bušeahta siskkobeaide maid leimmet mearridan vistái», dadjá stivrajođiheaddji ja huksenlávdegotti jođiheaddji, Raymond Robertsen.

Áigeuovdilis haddefálaldaga rámma lea 26,5 miljovna ruvnno, ja lea nu gohčoduvvon obbalašhuksen (totalentreprise).



FeFo bovdii ođđajagimánu álggus buktit haddefálaldaga ođđa váldokantuvrra huksemii Leavnnjas. Guovvamánu 24. beaivvi dievai áigemearmi, ja [vihitta fitnodaga – buohkat Álttás – oassálaste gilvui](#). Šiehtadallamat ledje njukčamánu gaskamuttus gitta lohppii. FeFo lea geavahan fitnodaga Norconsult olggobeale veahkkin haddefállanproseassas, ja huksen vurdojuvvo álgit geasset. Ođđa visti galgá váldot atnui čakčat 2018:s.

«Buot haddefálaldagain lei seamma alla kvalitehtadássi. Lei danne haddi mii šattai mearrideaddjin», dadjá Robertsen.

Olles huksenprošeavtta obbalaš rámma oktan earret eará viessodávviiguin, teknikkalaš rusttegiiguin ja olgoareálaid ráhkademiin lea 42,2 miljovna ruvnno, oktan lassíárvodivadiin.

Huksenprošeakta lea olu rievdaduvvon manjil go huksenlávdegoddi ja stivra mearridedje heaittihit vuosttaš fálaldatgilvvu čakčat 2016:s. Vistti sturrodas lea unniduvvon 10 proseanttain sullii 900 kvadráhtamehterii mas leat guokte gearddi, seammás go leat válljen eambo govttolaš materiálaid.

Dá lea [liŋkka haddefálaldatgilvvu almmuhussii](#).



Ođđa váldokantuvrra davvi seaidni

KONTAKTPERSON / GULAHALLANOLMMOŠ:

Raymond Robertsen, stivrajođiheaddji ja huksenlávdegotti jođiheaddji, tlf. 908 37 137

Čuovo FeFo

